


百美新詠圖傳

下

ISBN 7-80568-869-9



9 787805 688695 >

百美新詠圖傳

一函二冊

清·顏希源撰

清·王翊繪圖

中國書店出版

北京琉璃廠西街五十七號

郵政編碼一〇〇〇五二

韓營古籍印刷廠印刷

北京大興

全國新華書店經銷

一九九八年五月

ISBN 7-80568-869-9/J·234

定價：198 元

李勢女



世說桓溫尚明帝女南康公主主克妒溫平蜀
以李勢女爲妾主聞拔刀率婢往欲斫之見李
在窓前理髮髮委藉地姿貌端麗徐徐結髮歛
手向前曰國破家亡本無心至此若能見殺是
所本懷神色閒正辭氣淒婉主乃擲刀抱之曰
阿子我見汝猶憐何況老奴遂善遇之一說作
李勢妹

王戎婦



世說王戎婦常呼戎爲卿戎曰婦人卿壻禮爲
不敬後勿復爾婦曰親卿愛卿是以卿卿我不
卿卿誰當卿卿

楚蓮香



天寶遺事都中名妓楚蓮香者國色無雙每出
入則蜂蝶相隨蓋慕其香也

孫壽



後漢書梁冀妻孫壽色美善爲妖態作愁眉啼
粧墮馬髻折腰步齟齬笑以爲媚惑桓帝元嘉
中京都婦女歛然諸夏皆倣效

樊素



白樂天詩櫻桃樊素口楊柳小蠻腰註樂天二
妾名樊素小蠻樊素善歌小蠻善舞

小蠻



見上樊素

薛瑤英



杜陽雜編元載寵姬薛瑤英能詩書善歌舞僊
姿玉質肌香體輕雖旋波搖光飛燕綠珠不能
過也載以金絲帳却塵褥處之以紅綃衣衣之
賈至楊炎雅與載善時得見其歌舞至贈詩云
舞怯珠衣重笑疑桃臉開方知漢武帝虛築避
風臺炎亦作長歌美之畧曰雪面澹蛾天上女
鳳簫鸞翅欲飛去玉釵翹碧步無塵楚腰如柳
不勝春

寵姐

